

MIRU KON KIMI ÑI ZUAM

MAPUZUNGUN



eligevivir
— SIN DROGAS —

MIRU KON KIMI ÑI ZUAM

Miru müley Rapa Nui meu tūfachi pichiche, kiñe wapi mülelu meu ragiñ lafken océano Pacífico pigelu, müley az püle Chile mapu meu, welu müte puñmalelay tami karukatu reke, ka zoy alūmapu ley rume alūtripaley, puwal tūfachi mapu meu, re avión meu puwkei ta che ka ünikei kayu txoy antü zuamniegei kayu maleupan puwal müpün mu.

Ka kayu troy antü femkey tañi pu reñma Miru inchiñ reke tañi zewma keyüm egun kiñe küme iyael 'Umu, pigei kizu tañi mapu meu igekei piam. Kurantu femgelu ka femgechi igekei kiñeke antü mülelu kümeke mogen mew... fachantü reke, choñongealu Koa piam, püchi lamgen ta Miru.


Püchi alün küyen, tremküley fillantü ti püchiche tañi pu pütra tañi ñuke mew, Miru rumeñma ayifuy ñi kimafiel ñi püchi lamgen ka fillantü rakizuamakefui tañi akual tüfa chi mapu mew.

Chalwa mekefulu taiñ chaw egu, ñimitukefuy fillke trawa kada, trawa chollwa tañi llankatu lelafilu tañi püchi lamgen zoy kümekelu ñimitukefuy. Tañi chezki egu, fey zewmakefuy külkay küzaw, Miru zewmay kiñe az maw ñimin tapül palmera mew. Kom che ayintunieyu ka shakigekey ñi femgen, rume nieimi mana feipigekey, chi mana ta newen püllü, nielu egün kom pu amunka, pu chalwa, pu külliñ ka kom pu che mulelu tūfachi Rapa Nui mapu pigelu.



Welu fachantü inei rume chem pigekelay ta Miru. Pu wentrü pu reñma mew pepikaneygün tati 'Umu ka ti pu zomo tuwzuamküleygün ti ñiepüñeñkülechi zomo epe lleüley ti püñeñ. Fey Azkintugerkelay rume akulürkefui kiñe az küram fewla chi kuramlu achawal nielu ruka mew egün.

Miru kizu lelu reke femü, weñaküy ka tañi pu ge fochoy epu witun külleñ mu. Fey mew, tañi ruku are triparkei, kelüküfawi tañi age ka, rakizuamlay rume, ütrüf naküm künui chi kuram tragoy fey lef külen tripay tañi ruka mew.



Kom tañi kalül yafügewelay zoy zoy ñagmey ñi mana, ürkülen powüy Tahai mew, chi mapumew, tañi gillatüpeyüm chew müleken ta pu moai, Tüfa chi pu kura ke che kuifi mew zewmagey tükülpakekeyal tati pu kuifi ke che yem mülekelu tüfa chi wapi mew, tüfa llallalkei konpanoalu tati pu weza ke püllü küpalu kañpüle mew. Miru llellipükünuy konal fey anüpyu.

Itrofill rakizuamuy, welu logkontukulay chemu am felen. Femlu, puwkintüy püllü mew epu ge zewmagel koralmew. Moai ñi ge ürke feymew inafültunefui. Fey tuküleltüfilu, tati moai mogetuy fey newentu zuguay piam:

Kümelege pichi Miru pirkei, kom kümeley zuam. Müte alün rakizuam nieymi feymeu kimaymi, fill zugu mew, chemkün reke kom üytügeki piam.

Eymi llemay zewmalefimi llankatu tami püchi lamgen, ayeleyi ka ülkantüymi, feychi yafütun ayiwün pigei tati fey kom ayiwülneiñmu ka fey.

Miru ayekoni tükulpalu tañ llankatu zewmaelfiel tañi püchu lamgen.

Fachantü, rakizuamlu eyi iney rume azkintulaenew yenmu tami az kuram tami we püchi lamgengealu, tami kalül yafügewelay ta mi ge apoy külleñu mu. Fey femel chi yafütun weñankun pigei.

Allkütülu tüfachi zugü, Miru ka epe gümafuy troküwy.



Inagechi, rakizuamimi kom wezalkaley ta zugu, Fey mew, füyümimi küwü, ka kupa wirarimi ka trafokunuimi kuram. Feychi zugu nügay pigei fey zuamtukefiyiñ taiñ inkawal wezake zugu mew.

Kom pu yafütun tami rupan ka nieael tami mogen mew, rume falin zugu, fey mew nüwkeyiñ ta kimkonürpual ka antü.

Kümei tati entullazkün femgechi küme zuamtuaymi, tami fürenetu femgechi pepilgeaymi ka kellugeaymi. Feula neyüge ka amulge tami mogen, Miru. Tami reñma ügümnieymu egün ka tami püchi lamgen Koa küpa kimeimu tati.

Miru, fewla zoy kümeletüy, mañumfi tati moai ka amutüy tañ rukamew.

Rüpü mew trafkünütüy tañi chaw. Pagkotuwigu ka Miru Kimüy tañi chaw niel weñankün, feymew rupan Pagkowlu egu, kintuwülfi tañi weñankülewenon ka kiñe wilüf ayen alofmay ñi age mew.

Kiñewun wiñotüygu rukamew ayiwmalu egu tañi choyügen ta Koa, ka ta Miru fewla, wünen lamgen getuy tüfa chi az reñma mew.





eligevivir
— SIN DROGAS —